

摘藻堂四庫全書薈要

集部

欽定四庫全書薈要

集部

御選明詩卷二百五

詳校官原任主事_臣李斯咏

欽定四庫全書薈要卷一萬八千六百五

集部

御選明詩卷一百五

七言絕句五

沈愚

寄淮南

江南相望路迢迢
風滿關河雁影飄
最好鳳凰臺上月
共誰攜酒聽吹簫

過桃葉渡

江花含笑欲爭春
江水籠煙柳色新
商女停舟唱桃葉
東風愁殺渡江人

石頭城

谷口青鞵踏軟沙
橋頭艇子載琵琶
春風何處尋芳好
盧女門前幾樹花

金陵九日

京華風物近佳辰
黃菊秋香漉酒巾
欲上鳳臺同一醉
客邊誰是故鄉人

閭門夜泊

絲絲楊柳拂官河
煙際樓臺隔岸多
此夜闔閭城下泊
滿船明月聽吳歌

旅次送宴振之

西風孤棹楚江濱
煙水殘陽照白蘋
底事送君情轉切
只緣身是未歸人

旅次石城

水落寒江露淺沙
斷堤楊柳集昏鴉
樽前冷笑陶彭澤

三徑秋香負菊花

蘓正

重遊金陵有懷玉山沈一愚

別離何處是幽期
水遠山長信息稀
獨坐相思秋色裏
滿天霜月雁南飛

岐路東西奈別何
壯心憔悴惜蹉跎
重來雲物非前度
黃葉秋風積恨多

晏鐸

酒肆

半幅青帘柳外斜
甕頭春色泛桃花
遙思昔換金龜處
知是長安第幾家

徐章

題梅送友

萬樹籠香障
白雲孤山深處隔
塵氛玉顏為惜君歸去
却向東風瘦幾分

入城訪徐德昭

家住湖山小洞天數村雞犬自風煙因過城市逢君話
流水桃花又隔年

賀甫

為香山顧敬中題畫

芳草晴煙處處迷畫堂應在畫橋西花開記得尋君日
一路香風送馬蹄

題畫次矯以明韻

畫舫西湖載酒行藕花風度管弦聲餘情未盡歸來晚

楊柳池臺月又生

顧亮

廣陵夜泊

風風雨雨暗江津
愁裏青燈照一身
夜半忽聞江上櫓
往來還有未歸人

王越

烟雨萬竿圖為松陵曹少誠作

瀟湘南下路漫漫
薄暮歸來倚棹看
疎雨淡煙秋一片

滿江飛翠濕衣寒

馬洪

續遊仙詩

玉版金花閣幅箋朝來次第散羣仙
紫皇勅遣謄真誥
第一人書第一篇

巴園橘裏賭碁還暗憶羸時笑解顏
兩袖玉塵三百斛
拋為瑞雪滿人間

養馴蒼鹿放蓬山走入烟霞喚不還
明日羣中尋却易

七星符在頂毛間

玉案朱簾翡翠屏
焚香夜誦蕊珠經
月明鸞背飛瓊過
小駐花陰帶笑聽

河西昨夜見牛郎
說道天田未大穰
八萬三千脩月戶
多將玉屑當乾糧

侍兒扶上紫鸞車
一笑相逢萼綠花
今夜蕪城好明月
無雙亭上看瓊花

徐震

題紅葉仕女

初試宮妝步玉除
詩成把筆更躊躇
舊愁新恨知多少
盡向霜紅葉上書

和吳太守登靈巖韻

騎馬看山度水涯
楓林紅葉醉霜華
欲窮西子曾遊處
踏遍蒼苔一逕斜

謝會

金臺歲暮有懷

寒盡天涯歲又新一樽孤賞帝城春
懸知江畔尋梅路踏雪吟行少一人

徐雄

春日看花之作

才子乘春覽物華錦囊詩句向人誇
東風二月長干路幾樹垂楊掃落花

張元楨

遊東郊

招提回首日沈西十里香風送馬蹄不是習家池上飲
傍人休笑醉如泥

沈暉

夏夜作

青雀西飛竟不歸芙蓉猶剩舊羅幃山齋十日黃梅雨
誰與薰籠夜焙衣

陸鈇

題畫

芙蓉城外錦生香樓閣憑虛晚更涼
欲把書筒乞南使不知何處是金堂

寄絹陳雲泉

白米新炊夜夜香糟牀應聽雨琳瑯
只愁濕却陶公葛為寄官家壓酒囊

寄郭用常

鳥棲殘葉夢迴時月滿關山有所思
無數人家吹玉笛未應俱是斷腸辭

三月十八日與亨甫歸自城西並玉河而北見
宮樹參差山日隱映時已薄暮無人聲獨二騎
云

參差宮樹殿東西樹裏青山落日低回首旌旗猶未定
晚來風起玉河堤

瓊林醉歸圖

金羈細馬出明光碧色羅衣錦繡香行過玉河三百騎

少年爭說李東陽

同年二百五十八人獨東陽最少時年十七也

李東陽

舟次奉新驛得戴侍御同年書知於前驛相待
漫得二絕

月出高樓生野煙
斷堤疎柳驛門前
美人只在雙塘外
海口潮來好放船

一棹江南本舊期
宦途多事獨棲遲
東風幾度停舟意
惟有春潮日夜知

過黃河

清口驛前初放船長淮東下水如弦勁催雙櫓渡河急
一夜狂風到海邊

江上聞蛙

曠野天空月正明水田青草亂蛙鳴江頭十日瀟瀟雨
禁得離人此夜情

玉簪花

昨夜花神出蕊宮綠雲裊裊不禁風妝成試照池邊影
祇恐搔頭落水中

題趙仲穆挾彈圖

東風挾彈小城春，遊騎飛韁不動塵。
道上相逢休借問，衛家兄弟霍家親。

讀漢史

綠囊方底殿屏東，密使潛書晝夜通。
落盡仙桃春不管，更教雙燕舞西風。

燕

繡戶朱簾有路歧，別時嫌早到嫌遲。
主家只解憐毛羽，

浣盡雕梁不自知

春園雜詩

庭下獼猴如小兒
攀花折果不停時
為憐野意厭羈縻
放著林間高樹枝

手插河邊楊柳枝
眼看成樹復成絲
不見雪花飛滿地
豈知春去已多時

病來無力與春爭
看盡花開草又生
莫道東君不識面
舊紅新綠也關情

斑鳩

積水寒蕪遍野田
幽鳥隔深煙不須更喚溪頭雨
麥爛蛾飛又一年

黃鶯

柳花如雪滿春城
始聽東風第一聲
夢裏江南舊時路
隔溪煙雨未分明

謝鐸

次儒珍韻

莞海東頭去路賒
獨乘羸馬到君家
十年夢裏相尋處
依舊青山兩岸花

題扇面寄郭筠心

建水南行舊路斜
石橋青竹野人家
相思不及雙飛鳥
紅雨溪頭又落花

挨船

挨船又報五更開
浪靜風恬亦快哉
歸路早知如此穩
蓴鱸未熟已歸來

張泰

吹笛士女圖

冰簟銀牀倚石屏
芭蕉涼露濕秋庭
貞心試托湘江竹
吹向流雲與鳳聽

海城春望

一帶浮光界遠田
數村花柳簇春煙
誰家酒幔招人醉
搖蕩東風出樹顛

春日睡起

春眠仍值酒初酣
奈可梁間燕二三
好夢斷來何處續
落花風雨滿江南

足夢中句

挾笙吹鶴度瀛洲
霧濕雲窓玉女留
夜半酒醒人不見
滿庭明月桂花秋

宿雁圖

理卷霜毛宿晚汀
旅魂應自繞秋冥
西風莫攬蒹葭水
月苦沙寒易得醒

舟中暮歸

斷柳殘沙不掩堤
葦叢幽稱水禽棲
半江斜照將秋色
相送歸船到竹溪

若耶溪

南風雨過若耶深
蓮女菱歌亂別心
後夜繁霜凋綠蓋
洞房歸去理秋砧

劉大夏

送別

離筵酒盡淚霑衣別後憑誰問是非
午夜夢回明月在天南天北共清輝

姚綬

湖上雜言

桃李漫山白間紅繞湖樓閣晚烟中
客船慣向灣頭泊
不畏波濤夜半風

贈曹竹西畫并題

白下追遊憶昔年青山如畫樹如烟
郭家歌舞楊家酒

一度尋思一悵然

倪輔

題竹送昌世僉憲四川

春明門外斷秋風
夢隔烟花紫禁中
何處竹枝傳別調
子規殘月在巴東

吳伯通

送別何舉人還安岳

落花片片點春泥
芳草萋萋襯馬蹄
記取今朝送行處

官橋流水是西溪

岐路春深花滿山東風遊子束書還到家綵服娛親後
好向閒中讀訂頑

鍾順

清夜聞笛

小樓人靜月初斜歸思迢迢隔海涯短笛誰吹腸斷曲
滿庭香雪落梅花

吳與弼

曉立

靈臺清曉玉無瑕
獨立東風玩物華
春氣夜來深幾許
小桃又放兩三花

東陳進士

獨凭吟几坐清朝
閒看行雲面碧霄
忽憶故人秋寺裏
西風琪樹雨蕭蕭

山中見梅花

茅菴深處路縈斜
老樹遙看近臘花
何事幽人吟未到

遊蜂先得春華

夏夜

月色嬋娟夜正涼
偶然徐步稻花傍
籬多竹樹饒清蔭
池滿芙蕖有暗香

舟中即事

蓬戶青燈照夜長
觀星玩月水雲鄉
何當小雪寒猶淺
十月初旬始降霜

早行馬上口占

斷續江村踏月行誰家茅屋亂雞鳴歡呼童僕愁迷道
時聽雲林遠近聲

夕涼獨坐

緩步階除愛夕涼微吟隱几久虛堂竹穿山月紛紛白
庭散簷花細細香

牧歸途中作

夕陽歸馬正從容出峽時迎入峽風無數好峯羅遠近
朗吟身在翠屏中

舟中見紅樹

船頭時作望鄉吟
難寫浮生去住心
忽忽不知為客久
誰家紅樹報秋深

蕭子鵬

欲遊羅浮不果

羅浮青壓海門東
雲淨江樓入望通
四百峰頭千樹雪
夢魂飛渡月明中

李蕃

桐溪

萬年禹鑿東連海
百折清流曲抱村
風浪不驚魚鳥靜
桐花開到邑侯門

沈樾

懷方孔明

梅風吹雨日綿綿
綠漲陂塘已拍天
為念故人生計薄
一篙春水種湖田

錢洪

江上即事

晚江如畫晚山孤萬頃烟波一釣徒縱有羊裘休浪著
客星昨夜照東吳

題海棠白頭翁便面次韻

綠草成茵一逕幽芳園日晚罷春遊海棠如雨啼花鳥
似怨東風白了頭

陳鑾

題桃花鷓鴣

瑤池三月正春酣
淺綠深紅雨露含
莫唱鷓鴣新樂府
座中有客是江南

劉師邵

秋塘

烟水微茫漾遠愁
采菱歌斷夕陽收
鷺鷥不省紅衣老
猶戀銀塘十里秋

萍

乍因輕浪疊晴沙
又趁迴風擁釣槎
莫怪狂蹤易漂泊

前身不合是楊花

夜雨

海風吹雨夜瀟瀟一滴愁魂一種消
自是客邊聽不得
不關窓外有芭蕉

陳寬

題沈恒吉畫扇

紅樹丹山領去舟
蘋花香老不勝秋
滄江風月誰人管
且向前汀問白鷗

題謝葵丘雨中訪沈介軒畫

詩題畫裏記相尋
白髮蕭蕭別意深
惆悵十年遺墨在
秋風暮雨故人心

訪包山徐德彰

青山湖上是君家
有約來看巨勝花
踏破白雲秋一片
不知還隔幾重霞

題先祖畫

綠水園中舊華門
清風喬木至今存
千金遺墨人間得

腸斷題詩到子孫

朱應祥

絕句

江面微風瀉浪開
鳥聲啼過釣魚臺
煖雲欲送桃花雨
一片陰從柳外來

祝祺

旅中元日

異鄉一夜換風烟
屈指關山路八千
正是欲歸歸未得

看人兒女拜新年

陸琦

梅花

雪壓寒香凍未消
江城歲晚轉蕭條
冷雲漠漠知何處
夢到西湖第六橋

蘇大

山房睡起

砌草茸茸石逕斜
竹籬茅舍帶江沙
晝長睡起多情思

看遍林陰商陸花

朱彰

暮秋偶成

老去逢秋鬢已霜
石田茅屋半荒涼
商歌一曲人誰聽
疎雨南山豆葉黃

錢文

新宅

安穩茅柴屋數間
起來開眼見南山
千帆白日牆頭過

一鳥青天樹杪還

鍾政

揚州

樹繞人家水繞城
何郎去後若為情
不知東閣梅花盡
二十四橋空月明

史傑

竹石圖

雨餘苔石淨無泥
翠影參差夕照低
記得推蓬湘水曲

滿林秋色鷓鴣啼

蕪城別唐宗吉

揚子橋頭漲綠波
分攜無那故人何
明朝相憶重回首
莫厭江雲嶺樹多

姚綸

水月舫二首

新綠溶溶漲暖香
春來無處不風光
移舟夜向湖邊泊
分得花陰月半牀

卧倚蘭橈酒半醺
月寒波冷夜初分
無端羌笛風前起
吹斷梅花夢裏雲

團扇仕女

濃黛消香淡兩蛾
花陰試步學凌波
專房自倚傾城色
不怕涼風到扇羅

修竹仕女

瑤臺無信託青鸞
一寸芳心思萬端
莫向東風倚修竹
能禁翠袖幾多寒

丘吉

春夜二首

銀瓶澆茗漱春醒
倚遍雕闌睡未成
燈火誰家庭院裏
櫻桃花下尚吹笙

香燼銅鑪火不增
一牀寒被卧春冰
不知明月將人夢
去落紅樓第幾層

因天如寄聲沈啟南

日望江雲卧草廬
烟波無處覓雙魚
高僧相見能傳語

不寫銀箋小字書

寄館天寧寺二首

寶樹林中避世情
琴囊長挂白雲層
蒲團學得枯禪坐
合作東軒長老稱

茶爐吹斷鬚絲烟
借得禪林看鶴眠
不道秋風何處起
一堆黃葉寺門前

仕女

絲抽霜藕織仙衣
立近芭蕉怨落暉
踏破綠苔羅襪冷

宮前昨夜有霜飛

初度日

去歲山城酒一尊今年無恙醉柴門不知有限生辰酒
合得田家幾瓦盆

畫山水二首

翠滴松梢雨乍收山光半為白雲留江邊可惜無人住
閒却蘋花一岸秋

樹樹秋風響澗阿夕陽收處暮霞多何人艇子苔溪上

唱得吳儂子夜歌

與唐惟勤索紙

魚網無功補蔡侯
蜀江不洗薛濤愁
教兒昨日繙詩稿
書破芭蕉數幅秋

唐庠

蕉萱仕女

羅襪生香踏軟沙
釵橫玉燕鬢鬆鴉
春心正是芭蕉卷
羞見宜男並蒂花

小景

落日青山凝紫烟
秋風殘葉雁來天
五湖多少玻璃水
處處堪留載鶴船

唐廣

戲贈張伯仁陳邦器二才子

白下橋邊楊柳枝
新黃嫩綠正當時
重來折入尋春手
不比樊川去較遲

懷悅

登城望鴛鴦湖

一上高城思不羣
東風吹面洗餘醺
紅舷烏榜春湖上
多載銀箏入暮雲

過相湖

扁舟飛出相湖東
花片紅穿樹底風
纔聽前村鳩喚雨
斜陽又在暮雲中

春興

花氣醺人似酒醇
東風隨處掃香塵
不知畫舫琵琶月

載得南湖幾度春

魏時敏

賞菊

短籬疎雨正離披
淡白深紅朶朶宜
自計老年才思減
重陽過後不題詩

閨思

別後衡門鎮不開
年年春雨長莓苔
東風似欲添離恨
故引雙雙燕子來

周瑾

南湖即事

湖水空明靜不波
蕩舟人遠夕陽多
秋來無限相思意
欲采芙蓉奈晚何

朱存理

泛吳江

一帆風便到吳江
江上飛來白鳥雙
舟子飯時吾夢覺
起看新月坐蓬窓

劉泰

小景

雲溪一帶淨無沙
門對青山是我家
幾日不來亭子坐
東風開過紫藤花

秀上人課經圖

山繞清溪樹繞亭
隔雲金磬曉泠泠
道人不管花開落
白乳香中讀觀經

新秋示盛伯宣

暑退新涼透碧紗
砧聲不斷是誰家
酒醒小立殘陽裏
閒數籬邊紫豆花

春日湖上二首

浴鵲灣頭盪槳過
雨聲昨夜漲湖波
落梅天氣寒偏峭
未許春衣試薄羅

步逐東風踏軟沙
背人驚鷺去斜斜
兩株紅杏疎籬外
知是湖村賣酒家

湖上暮歸

小驀馱醉踏殘花柔綠陰中一徑斜日暮歸來問童子
春衣當酒在誰家

陳焯

攬秀樓

何年構此山之東八窓相對山花紅桐山居士老解飲
何當置我新樓中

季達

過臨江府

故人別後思何堪獨倚河亭酒半酣
自笑不如雙燕子
春風先我到江南

吳敏

沽頭牖

浮葦生根上陡崖牛羊原隰有人家
縹車聲響南風裏
棗樹青青落白花

杜嗣昌

題畫

秋風嫋嫋露團團
朱箔銀樓鎖夜寒
一曲鳳簫明月裏
玉人何處倚闌干

曹侃

寫竹贈戴山黃方伯

昔遊湘浦泊蘭橈
萬玉森森宿雨消
記得推蓬涼夜永
月明一曲紫鸞簫

任道

畫菜

露芽烟甲曙光寒
紫翠溥香濕未乾
記得花時曾病酒
玉人纖手薦春盤

蔣用文

暮春遇雨

暖風吹雨浥輕塵
滿地飛花斷送春
莫上高樓凝望眼
天涯芳草正愁人

沈翊

寄沈介軒

錦繡湖山罨畫樓君家住在小瀛洲
洞簫吹上花間月
十二珠簾不下鉤

張倬

寄龍共大章

半生心跡任虛舟
風雪飄蕭一敝裘
獨抱龍門太平策
滄浪亭下看沙鷗

丁岳

送沈彥修

江上秋風吹客衣江邊把酒對斜暉江鷗不解離人意
故作三三兩兩飛

送客

蘆花飛雪水增波一曲尊前感慨歌客裏可堪頻送客
眼中知己漸無多

周鉉

送人

越河臘盡雪漸流千里離心醉未收今夜山城聞笛恨

斷腸那似古梁州

李兆先

絕句二首

行人折柳寄相思
又見春風換故枝
若問無情閒歲月
恰是新條未出時

秋來賈客淚沾巾
路草牆花各自春
莫向中流歌楚調
舟中多是贛州人

桑悅

小遊仙

胸藏星宿是天文
暗坐光騰五岳雲
侵曉清都揮彩筆
欲書制誥賜茅君

仙童驚報筆生花
萬丈長虹纈彩霞
獨進詞頭三百卷
承恩常醉玉皇家

仙班濟濟侍宸官
袖拂紅雲跨彩鸞
笑約玉皇香案吏
禹餘宮裏借花看

白雲為被彩霞氍
高枕常凌倒景眠
却怪兩燈常下照

不知日月麗中天

文洪

南行舟中

露白沙涼月滿空
雁聲歷歷度西風
客程尚與鄉關近
歸夢如何便不同

訪徐尚容

虎谿谿上草堂閒
千樹江梅香藹間
欲向南枝問消息
東風吹我過西山

羅倫

別廷揚

釀得新城萬頃春
碧桃扶醉不辭頻
羅浮山下梅花屋
夢裏逢君恐未真

程敏政

送克寬弟南還至茶菴獨歸

垂野陰雲一望迷
送行愁問路東西
不知幾日黃梅雨
門外青泥沒馬蹄

題小景雜畫

青山一髮海中央，島霧昏昏拍岸黃。
過客不堪腸斷處，尉陀城下水如湯。

野梅開遍釣魚磯，策杖歸來雪滿衣。
記得西湖山下過，一雙青鳥背人飛。

綠樹蕭然蔭草亭，酒船安近蓼花汀。
分明一夜溪頭雨，洗出春山數點青。

小亭斜枕石溪濱，長夏空山草木薰。
風雨忽來歸去晚，

櫓聲搖碎一川雲

題畫送敏聰弟還河間

西風吹徹桂花秋
欲去珍禽不自由
無限人間離別意
海天明月照高樓

題于文遠山水小景

望中疑是富春山
只欠危亭著樹間
記得摩崖看石篆
小舟曾泊相湖灣

題雜畫

山水錦鷄

平原空笑弋人勞
山水青蔥護錦毛
何處晚風堪顧影
石泉澄澈見秋毫

緋桃黃雀

雨後薰風不動塵
名園生意逐時新
嚙枝黃鳥聲全變
結子紅桃色半勻

莊景

郊行

凌兢瘦馬踏春泥雪後郊原綠未齊一抹午烟風隔斷
野鷄聲在竹林西

釣魚圖

溪上春雲與浪飛溪頭春水紫魚肥閒人只是閒無事
日出船來月出歸

寄壽州廖同知

江鄉煙景不須爭客裏風花亦有情我見白頭張汝弼
今年又在壽春城

章懋

送同年鍾美宣乃叔還鄉

紫陌春回雪乍消，御溝流水碧迢迢。
行人欲贈新楊柳，催喚東風長綠條。

滹沱晚渡二首

送同年張廷芳使陝西

風捲流澌作晚波，行人猶說漢滹沱。
那知天上乘槎客，不用氷堅也渡河。

半川斜日照寒流，騎馬來經古渡頭。
欲問蕭王氷合處，

野烟衰草遍汀洲

別閩南僚友

三年憲府同懷抱此日離亭惜解攜
回首建溪溪上路春山隨處鷓鴣啼

送賀位賀倖歸永新

并序

歲暮山齋老梅始花適賀生兄弟過予言別因折
一枝口占小詩為贈用致拳拳期待之意云

梅花折得贈君歸愛此亭亭絕世姿
純白真香誰得似

紫陽千載共襟期

陳處士南園詩卷

平泉金谷競豪華幾度花時得在家爭似南園陳處士
曉看泉石暮烟霞

張弼

送趙弘濟春試

閒說桃花競笑春玄都道士又更新好攜三尺青鸞尾
去掃平津閣上塵

題畫贈張延芳

雲山蒙董石陂陀閒坐船頭看綠波
悵望佳人渺何許
竹枝聲斷夕陽多

方文美畫

花落春歸客未歸
仲宣樓上倚斜暉
故園遙在三江外
綠遍蘼蕪燕子飛

懷友

飛花渺渺送春歸
忽漫鈎簾對夕暉
竹下小池雙翡翠

銜魚飛過綠苔磯

送張維亨之沂州

瑯琊臺下看新晴
聽得陽關第四聲
千樹梅花滿城雪
也應難比使君清

俞舜卿僉憲許柑未送詩以促之

南海黃柑未見分
舉杯空望嶺頭雲
元宵燈火相將近
空手歸來惱細君

絕句

空濛山色晴還雨，繚繞溪流直又斜。
短杖微吟過橋去，東風滿路紫藤花。

舞劍臺送客

舞劍臺前梧葉飛，蕭蕭涼思欲侵衣。
天涯萬里孤鴻遠，且對黃花醉落暉。

題畫

雲杉如薺屋如蚶，詰曲溪流瀉碧潭。
獨立小橋吟不盡，挿天晴翠太湖南。

賀欽

春晚

落盡羣芳枝已空
遊人枉自怨東風
誰知寂寞幽園裏
猶著楸花一樹紅

林瀚

寄鄭郎中

鳳臺一別四經秋
美子投閒未白頭
為問瀟江江上路
幾人煙雨棹歸舟

李傑

次徐文量主事韻

西風獵獵走驚沙
歲晏登臨倍憶家
爭似南州徐孺子
寒林匹馬看梅花

陸容

早過午橋口占

花影西偏半月高
不妨清夢起趨朝
金烏未促龍頭鼓
次第哦詩過午橋

南郊雜韻六首

兵衛森嚴萬幕屯馬嘶人語靜中聞
天垣咫尺鑾輿近望見龍光入夜雲

卧榻明衣席未安齋郎早已報登壇
君王行處陽春在不用靈犀辟夜寒

金鑰重門暫啓扃臘燈如晝辨人行
象脾分得清班賜軍將無勞問姓名

竹宮幽邃寂無聲風靜空懸五色旌
月色照人清沁骨

萬松深處數寒更

紫壇雲霧切三台
玉趾將臨畫鼓催
列炬照天馳道遠
佩聲遙自半空來

仙韶隱隱落空濛
壇下傳呼拜啓同
知是燭柴禮初獻
沈香火起燭天紅

陸淵之

黃鶴樓

落日江流帶女牆
飛樓百尺俯蒼茫
筵前却怪當年事

鸚鵡何緣到楚鄉

樊阜

春日偶成

硯池香沁墨雲乾
酒醒無情懶著冠
燕子歸遲春欲盡
落花吹雨小樓寒

寒夜

破屋難禁深夜雨
布衾寒濕半牀雲
愁來自起推窓看
人比梅花瘦幾分

湖村晚眺

村南村北總西風
柏葉先霜淺著紅
野鳥飛邊堪入畫
數家籬落夕陽中

過村家

細莎村路繞山斜
澗水西頭一兩家
桑柘葉乾鳩雨歇
茅簷索索響縑車

張昇

渡淮

長淮一道入滄溟
滾滾黃流若建瓴
回首故鄉何處是
春風多少短長亭

屠勲

小畫

浦雲煙樹路盤紆
白首青山興不孤
我亦有亭歸未得
東風吹雨長蘼蕪

邵珪

胡冬官梅花圖

江南江北霏霏雨
漁榜漁罾短短籬
斜出一枝青鳥外
東風掩映水仙祠

楊光溥

春去

樓外青帘近酒家
鶯聲巷陌夕陽斜
東風暗地隨春去
幾日無人喚賣花

吳寬

題院畫二首

翩翩白馬紫絲韁
馳過彎堤十里長
千樹桃花萬株柳
前頭宮殿是昭陽

璚樓金屋映丹霞
只把仙家比內家
落日美人秋水上
紅妝一面亂荷花

園中即景

萍藻多從雨後生
綠波常共小池平
朱籐覆滿休輕剪
待看繁花映水明

楊一清

竹西書屋

萬竹參差路不分
草堂風景隔塵氛
他年有約東鄰卜
半為先生半此君

和西涯漫興二首

園亭風日入清秋
綠樹重陰護四周
頗恨青山看不見
似應別起看山樓

天近銀河拂曙流
蒼深不隔市烟浮
夕陽墮地烏投樹
明月滿空花入樓

遊茅山

丹梯百丈許攀緣萬古華陽此洞天不獨山人能愛客
野花啼鳥亦欣然

畫梅和文敬韻

十年清夢繞梅花東閣西湖興未涯不用巡簷重索笑
畫中春色正橫斜

畫花

三月園亭花正開主人遊宦不曾回醉中看畫依稀是

也當尋芳一度來

後園池亭觀物感懷

重陽雨過菊芬菲把酒相看坐夕暉
不覺臨風還自笑
主人今日未真歸

山檜移來數尺青盤迴今作老龍形
紅塵遮斷青山色
留爾當軒作畫屏

周軫

和竹溪見贈歸來亭

小庭岑寂四窓閑坐看春風長綠苔為愛多情雙燕子
暫時飛去又飛來

文林

借居龍泉菴

冷官門戶可張羅曲徑春深長薜蘿不道夜來風雨惡
松陰滿地落花多

題沈石田畫

蒼崖墨嶂含書法樹色江聲散釣船正是先生記歸路

相城東下水連天

御選明詩卷一百五



總校官庶吉士臣侍朝

校對官編修臣莫瞻菴

謄錄監生臣張槎

欽定四庫全書薈要

集部

御選明詩卷二百六

七

詳校官原任主事臣李斯咏



欽定四庫全書薈要卷一萬八千六百六

集部

御選明詩卷一百六

七言絕句六

楊榮

子規啼

江天夏夜露氣清
山鳥忽作腸斷聲
莫道啼多不解意
催人歸去最分明

王鏊

夜過西虹橋

破楚橋邊步偶停
夜船燈火散如星
館娃歌舞今何處
畱得吳歌與客聽

馬中錫

題畫雪景

山人住向水雲鄉
一夜雪深三尺強
已辦青錢沽酒到
小舟仍喚打魚郎

題戴文進送別圖

白雲紅樹路悠悠
三兩行人古渡頭
一向江南一江北
不知何地著離愁

畫屏紅梅花二首

六出瑤花尚未開
紙屏先見一枝梅
驚回斗帳羅浮夢
恐是仙娥暈酒來

羅浮山下月昏黃
曾倚春風試淡妝
今夜畫屏銀燭冷
却啼紅淚濕衣裳

吳洪

中秋同明古含虛閣對月

滿地江湖鬢欲絲
月明風動挂疎枝
懷君散步清光裏
不似當年對酒時

吳愈

題畫

巉崖絕壁一千丈
上有孤樹風颼颼
道人顧荷衣薄
坐冷一片玻璃秋

王弼

惜梅

獨樹牆西老更繁
幾回相伴月黃昏
東風只為芳菲計
不道飛花已滿園

便面

竹裏幽亭是我家
門前白水浸平沙
釣船順放中流下
袖手船頭看浪花

書所見

水明烟碧萬條絲
短岸斜風晚更吹
紅面小奴牽白馬

為誰來繫斷腸枝

次韵吳諭德先生共月庵賞花

城市看春總未真縱無車馬亦紅塵
醉翁獨有閒風味
管領東園樹底春

柳中書山水小景次王修撰韵

永嘉山色秀成堆曾憶前年訪舊來
何處最牽東閣夢
一林松影覆春苔

次韵荅李拚之二首

昨夜追歡一闋堂醉歸山月已無光
朝來中酒無人問
卧聽春鶯不下牀

桴杵爐頭擁薄綿嫩寒微雨暮春天
不知詩思能多少
榆葉梨花已滿前

次韵匏庵先生共月庵賞桃花

斜月枝頭照返魂先生扶醉倚籬門
花應欲識蒼然面
莫遣風前絳燭昏

洪貫

宮詞二首

隔花女伴笑呼名
新試宮鞋月下行
倦劇歸來更漏永
一簾秋水浸桃笙

別院笙歌別是春
芙蓉屏障隔風塵
玉魚金鑰年年在
鸚鵡籠中解喚人

林俊

看梅偶成

消息東風兩月前
西湖索莫老逋仙
雪蓬昨夜還扶醉

移近梅花一處眠

陳章

雨中過匏庵先生園居

海月菴前景自清更看疎雨快吟情
紅芳落盡還堪賞
綠樹黃鸝三五聲

林榮

薊門聞笛

冒寒重到薊門遊羌笛嗚嗚起戍樓
應有開元遺譜在

月中三弄小梁州

盧格

遣興

莫歎風塵行路難
閒過僧舍借花看
數聲啼鳥不知處
滿地綠陰清晝寒

侯直

夜集送楊君謙

馬蹄日日走紅塵
自怪微官繫此身
滄海烟波無限好

未歸真是不如人

邵寶

客有持甯菴詩至山中者次韵贈之

山中十里綠陰長
新漲浮浮架石梁
賦罷蒹葭掩僧舍
午風銷盡佛前香

贈錢校書

夫椒山前孤草亭
水風吹月秋冥冥
客來鶴去主人返
七十二峯湖上青

喜晴

山行愁雨水愁風
兩月風中更雨中
今日一帆天送我
晴湖如鑑夕陽紅

喬宇

懷張南園

六詔山川萬里餘
秋來長恨賦離居
雁歸不過衡陽去
何處逢人好寄書

寄劉南垣司空

江上青山多白雲
秋來離思日紛紛
別來擬鼓中流棹
采得芙蓉一贈君

王雲鳳

送客

春濕蒸雲雨散絲
飄飄遊子別離時
愁看陌上青青草
送盡行人總不知

儲巖

張道士山房

并序

正月九日冒雨過張道士碧雲山房蓋別十有五
年矣剖柑命酒酌予夢鶴小樓追念舊遊凋謝殆
盡道士今年八十有一而康強如曩時奔走塵途
者固不如閒居之佚也感歎之餘為賦四絕

不到青林十五年長松垂鬣鶴成仙江東舊事憑誰語
坐盡銅盤一穗烟

芳樹青青二月時林扉衝雨記吾詩紅塵消盡長安客
留得雲房老鍊師

十日連江雨不休
雨聲隨處種閒愁
寒簾欲待晴時去
不為春寒不下樓

徙倚詩成午照餘
仙家官府半樓居
醉來也有回仙興
自擘黃柑蘸酒書

七日寶應有懷

湖雨吹風洗暮烟
渚禽驚浪逗行船
舊時酒伴飄零盡
莫怪春愁到客邊

古城驛

野水微茫斷岸平幾家相對掩柴荆
不須候吏沙頭報驛站懸知是古城

北風

一路輕寒二月中水南桃李不曾紅
怪來河朔春光晚吹過花時尚北風

老米店有感

層冰一夕塞河船記得攜家已十年
鮭菜燈前誰共飯月明行店一悽然

黃村

梨花半落柳初綿
客路題詩憶閬仙
莫道長安春已盡
歸人猶在暮鐘前

過房山

秋光著意洗秋山
碧淨千峯宛若閒
不似春來多變態
斷虹殘雨片時間

銀冶嶺

青濛一徑亂山間
簇簇千峯擁翠鬟
最恨剛風吹樹裂

不教倚看暮雲間

山迴水曲自成溪
城市初來路欲迷
西崦人家尋不見
衡門應傍翠微棲

楊循吉

百花菴主見訪

一春高卧只垂簾
說著浮名病又添
聞道百家菴可住
他時借我讀華嚴

石瑤

唐宮詞

四月笙歌沸苑池
瑞蓮花對海棠絲
昭容尚記開元日
正是宮中蠶老時

社日

春風簾幕駐晴雲
社酒杯深我對君
燕子未來花不語
綠蕪寒雀共斜曛

七夕

七月七日風雨多
御橋南望水增波
鴛鴦自向沙頭宿

不管牛郎信若何

金陵

織錦坊前春日明
賣魚橋上晚波生
城中盡日無絃管
時聽漁歌三兩聲

陸完

王元章作墨梅并題長句書其後

月落參橫興已空
鑑湖清淺夜推蓬
消磨不盡惟豪氣
猶在疎花淡墨中

楊廉

題曹憲副采蓴卷

三泖秋霖浸四圍
水邊未覺露葵稀
金盤玉箸長安客
幾箇西風為汝歸

羅玘

紅梅圖為肇和題

西湖殘雪候多時
却恨前年被雪欺
且學杏花紅似錦
暫招鳴鳥到南枝

風泉閣

閣外寒泉元自清
泠泠慣與夜風爭
閣中默聽人何在
今日新添一兩聲

楊子器

早朝詩

殘月朧朧欲五更
禁門候立萬燈明
君王靜對銅人坐
一夜齋宮數漏聲

九重天上六龍飛
御氣綢緇拂太微
鳳閣西頭明月在

清光還照侍臣衣

東方曙色未分明
玉陛千官接武行
華蓋殿開鑾駕出
部頭天樂一齊鳴

向曙趨朝玉佩和
露華滿地濕緋羅
更番奏對銀臺罷
聽得西班喚六科

仙漏迢遙隔絳霄
兩行銀燭照趨朝
鼓聲纔歇鐘聲動
不放朝官過御橋

綵雲飛擁翠華春
寒耿疎星照紫宸
曉向承天門外望

過橋多少謝恩人

曉風吹動角端旗
仗外祥光繞赤墀
忽聽殿頭宣內閣
獨承密旨退朝遲

綵雲飛繞鳳凰樓
簾捲屏開見玉旒
西殿鐘聲朝已落
滿天星斗未曾收

鄒智

奉和石齋先生見寄

風清月朗蜃船輕
到處青天有酒星
淼淼番禺江上水

幾番遷客夢中經

大忠祠下聘君家一度登門一看花花裏有禽驚異客
倩將青箬換烏紗

夜泊馬寧呈胡用晦吳獻臣

白舫青簾幾夜同洞簫聲裏海雲紅百年身世知何處
笑倚梅花月正東

沈周

白頭公圖

十日紅簾不上鉤
雨聲滴碎管絃樓
梨花將老春將去
愁白雙禽一夜頭

次天全翁雪湖賞梅

少在城中多在鄉
尋梅猶抵候朝忙
新詩似與梅相約
詩到成時梅恰香

重疊疊水灣灣雪
舫尋春醉未還
因省玉堂為客夜
如今不似夢中山

黃帽孤舟且莫催
雪山留客好銜杯
梅花況是堪題咏

今夜春城判不回

過聽松鄰房

石子橋低細路平
未敲門戶有僧迎
松風最不私人聽
行過西家共此聲

七月十五日城中晚歸

晚郭歸舟急若何
市塵猶恐累漁蓑
到家覺得曾風雨
兩樹芭蕉破葉多

送方水雲

一箇仙舟竹葉風不知南北與西東世人若欲追行跡
或在長安酒市中

聞楊君謙致仕

春官司署儘能閒猶道勞形與病關身在早朝霜馬上
青青殘夢是吳山

神武高冠挂急流老年之事少年謀江南四百八十寺
處處磨碑待記遊

寄宗儒

秋來懷抱獨無聊
雪鬢鬪鬆短莫搔
手把芙蓉望江北
烟波無奈美人遥

題畫

草房仍著薜蘿遮
地扃林深獨一家
只道春風吹不到
門前依舊有梅花

嫩黃楊柳未藏鴉
隔岸紅桃半著花
如此風光真入畫
自然吾亦愛吾家

碧水丹山映杖藜
夕陽猶在小橋西
微吟不道驚溪鳥

飛入亂雲深處啼

臨水人家竹樹中只因孤嶼水船通
當門細荇牽微浪繞屋藤花落軟風

水次人家似瀼西參差竹樹路俱迷
溪翁兀兀不出戶日午飯香雞正啼

獨坐樹根無一事清風滿袖作微吟
夕陽好在秋水外日閣遠山還未沈

杏花

半抱春寒薄染烟一梢斜露曲牆邊東家小女貪妝裏
聽買新花破曉眠

客有餉河豚者畫雙玉圖酬之

有客來從海上村早潮新喜得河豚齊穿青篾一雙玉
侑我田家老瓦盆

溪山落木圖

溪山落木正蕭蕭野客尋詩破寂寥一路夕陽秋色裏
不知吟到段家橋

史鑑

夜宿烏鎮有懷同遊諸君子

兩兩歸舟晚渡關孤雲倦鳥各飛還月明烏鎮橋邊夜
夢裏猶呼起看山

題許子厚扇

好山多在石湖西草色新年綠未齊亭子半開修竹裏
一簾春雨鷓鴣啼

觀書偶成

竹深門閉亂藤垂
隱几觀書欲倦時
長嘯不知風起處
槐花吹落戲鶯池

和汝其通見寄

雨後蒲芽綠滿池
出門間望暮歸遲
小娃不道人傷別
自炙銀簫對月吹

為僧朗碧天題扇寄人

玉簫峯下雨來時
索我閒吟寄遠詩
蕉葉滿庭松子落
竹林啼鳥豈花垂

斷橋分手

近水人家半掩扉
兩山樓閣尚斜暉
斷橋無數垂楊柳
總被遊人折漸稀

口號

黃鳥嚶嚶柳絮飛
送君無計伴君歸
一春買遍金陵酒
落盡紅香萬綠肥

吳廷暉水榭

花蹊柳浪帶迴溪
碧簾眠風近鳥啼
芰荷出水青青小

頻語行舟棹過西

溪聲到枕驚春夢露氣入簾生夜寒自起開門看明月
和花移過曲闌干

題僧扇

湖水泠泠山日低上方臺殿古城西春遊記得前年事
醉卧竹房聽鳥啼

湖上暮歸

鴨羣呼去水雲空香滴蒹花露氣濃僧寺茫茫看不見

暮烟生處忽聞鐘

寄吳鳴翰湖上

紅塵不到三山遠
家住蓬壺鏡裏天
隔浦落花雙屐雨
過門流水一溪烟

崔澂

偶題

行舟少住更聽歌
江上東風吹綠波
折取桃花贈離別
却憐春色已無多

程慶琬

入垓口

沙明水碧淨無泥三百灘盤上歛溪兩岸青山春欲暮
棟花飛盡竹雞啼

史忠

雜詩

三月江南花正開山光欲翠水浮苔綠陰到處還堪賞
不厭扁舟日日來

雨晴江館洞雲歸桑落人家半掩扉
好是癡翁真不俗
揮毫便作米元暉

雷鯉

題畫

細路小橋人獨往
落花流水燕飛忙
松陰匝地沾衣濕
空翠滿身風露香

鳥外風煙古寺迴
半帆倒挂夕陽來
江天物色無人管
處處野棠花自開

古塘秋曉淨烟沙籬落西風菊自花
滿目紅塵無著處
半簾殘日隔溪斜

竹杖芒屨一徑深
小橋晴漲瀉松陰
隔江亭子是何處
紅葉白雲秋滿林

滄江碧浪飛紅葉
峭壁孤峯倚斷雲
一舸圖書兩知己
滿天秋思屬平分

黃雲

蕭齋坐雨感懷書事

三月琴川四月還虞山佳處儘躋攀曾於拂水巖頭望
一塔烟中認玉山

殘書徧閱就窓明少暢閒情賴鳥聲斷送春歸花事了
一番細雨綠陰成

唐伯虎

走馬春城遍綠烟揮金隨處擁嬋娟自家花樣天機杼
笑領蓬萊第一仙

題畫

曾躡匡廬五老峯連山雲氣擁長松而今看畫渾相似
夢斷開先寺裏鐘

雨止

滯雨無聊待雨晴依然飽飯聽松聲西風短棹明朝發
一路看山直到城

鄭延

懷劉隱君

隱君家住秦溪上茅屋蕭然掩薜蘿記得春風曾有約

扁舟載酒一經過

題畫梅

羅浮山頭孤月明
碧天澹澹參星橫
玉人歌舞萬籟歇
樹杪翠羽飛有聲

羅燾

贈愛山上人

古寺高僧意自閒
虛堂新構翠微間
白雲綠樹遙相映
愛看當窓雨後山

陳蒙

題石田翁贈朱守拙小景

野藤刺水竹籬斜落盡東風枳殼花日午不聞茶臼響
春城買藥未還家

聞笛

落盡梅花雪滿庭故園楊柳夢中青羌兒馬上傳來曲
今夜關山月裏聽

戴冠

題姚少師畫竹即次其韵

北地風高卷塞雲
驚沙吹起雁成羣
客邊偶寫龍孫譜
忘却江南有此君

方太古

題鼓山解院壁

十年寶劒行邊友
半夜寒燈夢裏家
細雨短牆新佛院
小堂香滿荔枝花

夜酌清白亭同鄭繼之過黃用光看新竹

移燈半醉看琅玕夢裏瀟湘月影寒記得題詩傷縹緲
鷓鴣題斷粉痕乾

十五夜飲王敬止園亭

客子未歸天一涯滄江亭上聽新蛙春風莫漫隨人老
吹落來禽千樹花

客散

客散書堂秋日涼山風吹雨葛花香竹牀藤簟茶初熟
消受山人午睡長

程玄輔

館邸紀事

柴門一月南京雨
斗帳半牀西晉書
藜杖日晴初出戶
園林落木已蕭疎

舟次京口逢故人

相逢一曲酒如澠
京口留歡去未能
波影滿船煙雨散
瓜洲晚見隔江燈

沈本初

送周山人南還

東風晴日送餘寒
野色山光恣客看
立馬春亭勸君酒
醉君容易別君難

朱曜

喜雨

一犁春雨潤新田
小犢還宮老牯眠
笑摘園蔬漉村釀
夜燈兒女說豐年

秦奭

溪橋散步

老去觀書興易闌
綠陰清晝況多閒
杖藜扶我溪橋步
看盡湖南十里山

龔行儉以扇索畫

行過溪橋日欲低
綠陰滿地郭公啼
微風輕颺茶烟起
知有人家住水西

董澐

醉漁

石佛寺前江繞門
柳姑祠下花連村
何人得似漁郎醉
白日青天枕瓦盆

月夜舟行

野鷗抱夢棲烟渚
山月隨舟過水村
猶有打魚人未睡
共聽更鼓到城門

史徐

宮詞

玉樹花枝過雨稀
不堪減却小腰圍
朝來陡覺香羅薄

還著團金舊賜衣

楊中

題畫

素衣緇盡鬢絲蓬
兩脚東華踏軟紅
何似儂家江水闊
醉眠春雨釣船中

袁仁

漫興

不干榮祿息危機
茅屋三間老布衣
多少長安騎馬客

故鄉深院鎖重扉

暮春有懷

花老辛夷萬綠肥
草香江岸燕低飛
故人竟負看春約
回首東風事已非

王鑑

宮詞

雨過河光燕影遙
銀牀冰簟自秋宵
長門楊柳搖殘月
報道君王已視朝

康阜

有感

晚出看花到夕陽歸來猶帶碧桃香
王孫不識春光好
夜夜鳴絲向曲房

感遇

燕子樓中人去時落花飛絮繫相思
闌干獨倚看明月
腸斷春風知不知

方良節

題李在畫

烟霏壓翠萬峯低
樹樹陰濃路轉迷
何處人家春不管
落花流出小橋西

楊旦

小圃即事

池館圍春曲徑通
虛簷掩映綠陰中
入門頓覺風光別
幾樹桃花隔竹紅

祝允明

長途

長途只是水連天
好景惟應月帶烟
獨有流鶯與飛絮
見來渾似綠窓前

京館聞鶯

天風吹出掖垣聲
瀏亮緱山午夜笙
錯認閭門折楊柳
一時飛夢滿江城

絕句

白眼青天萬里心
門前世事正浮沈
日斜睡起無聊甚

獨倚闌干看樹陰

夜歸

雨洗秋光萬井明
風高雲破月微生
還家莫道長酣寢
纔聽雞聲又出行

無題

亭角樓窓取次憑
東風不送笑歌聲
山村水郭城西路
却放朝雲此處行

山窓晝睡

身在雲房夢亦閒
松頭鶴影枕屏間
一聲隔谷鳴華雉
信手推窓滿眼山

三月初峽山道中

春陰春雨復春風
重疊山光濕翠濛
一段江南好圖畫
不堪人在旅途中

寄謝雍

謝家蘭樹有清芬
每誦澄江却憶君
想得山庄長夏裏
石牀眠看度牆雲

送蘇瑾

柳枝不折折梅花帶去吳中舊物華
白雪黃雲迷雁影
片帆明日是長沙

徵明畫草

光風輕泛綠迢迢氣暖烟和未盡消
想得美人簾底坐
月華斜漾翠裯腰

小景

濃雲壓嶺雨初至密葉障林風更多
只有漁翁能了事

一枚圓笠半肩蓑

絕句

忽見銀河水倒傾
森森毛髮不勝清
悟來只在空山頂
卧聽松風夾雨聲

雜題畫景

江曲柴門日自關
夕陽舟楫斷萍間
寒流遠近長如玉
流過漁磯便不閒

柳風吹水細生鱗
山色浮空澹抹銀
總道江南風景好

從來都讓蜀泥人

花滿百花潭北莊無人同出碧雞坊因風竹葉浮巾翠
落地松花上履香

歷亂茅堂草樹深隱居踪跡杳難尋只因獨自攜琴去
小荅松篁太古音

顧清

宮體四首次良金韵

鳩鵲樓深月到遲倚闌閒弄玉參差侍鬢記得新腔去

又向花間教雪兒

水殿涼多夢易醒
昭陽歌吹隔青冥
絳紗還有同來伴
奉帚金門候曉星

領得銀環奈別何
更煩同伴畫雙蛾
一般昨夜龍池雨
偏有垂楊葉上多

瑪瑙階邊蛺蝶花
玉闌低轉畫廊斜
大家近日親經史
不向宮門候小車

書所見

垂楊十里拂金堤走馬東來不記誰飛虎兩鞦韆搖玉帶
盤雕雙袖感金絲

馬首東風吹柳絲碧桃紅杏鬪芳菲遊人不是金丸客
說與流鶯莫亂飛

出郊

小隊黃衫簇絳燈春來幾度出郊行桃花結子楊花盡
只有蘼蕪滿路生

涯翁與二汪飲襄陵酒聞清來留一尊見待已

而盡之賦一醉二首清至首以見示敬和

江湖無地著心寬夢裏尊前一笑歡來晚尚餘三日恨
春風只得半醒看

黃閣歸來綠野寬諸生時得奉清歡吳泉晉水皆名勝

正要先生次第看

衆以襄陵為當時第一吳寧菴謂義興家釀可以敵之靳介菴復以鎮江

之五加皮為勝衆論未以為然

題曲水草堂二首

曲水村中景最幽也宜杖屨也宜舟白沙翠竹灣灣路

楊柳芙蓉歲歲秋

紫蟹行沙菊有霜
紅蓮登岸白蓮香
何人謾說桃源好
便有桃源是異鄉

送宋惟德分教池州

池陽風物似長沙
第一名山是九華
輸與能詩宋文學
芙蓉影裏岸烏紗

三月廿一日書事

只合清江坐釣磯
等閒誰遣著朝衣
綠陰門巷青繩路



心逐南雲一片飛

小閣垂簾相對紅窄衫低帽一叢叢歸來有語那能記

坐倚東風憶夢中

時初教
內書館

秦金

落葉

半庭黃雜半庭紅萬點飛來禁苑東祇愛玉河秋色好
不因搖落怨西風

曹鑠

菊花

霜落天涯草木稀
疎花秋晚獨芳菲
平生不愛杯中物
嬾向西風望白衣

許天錫

晚次安南呂塊站

瓊雲歸路正
息息十里官亭坐
晚風何事最關孤客思
數聲啼鳥木綿紅

李汛

江上懷釣隱翁

向夕蟬鳴疎柳斜
烟光鷗外淡江沙
潮來月上無人釣
落盡西風白藕花

王良佐

九日過九江

一舟西下繫垂楊
忽值黃花夾岸香
逢著故人汪太守
九江城裏過重陽

舟次

社公祠前五日雨白馬湖頭三尺潮客子掀篷正無賴
隔船何處一聲簫

暮渡江

沙頭燈火見樓臺黃帽那堪隔岸催舊日風流王博士
又吹長笛過江來

紅牡丹

沈香亭北午風微香霧濛濛燕子飛三十六宮春色好
大家齊試絳羅衣

許讚

窰壘北海港內青嶼廟

山根忽見午烟斜
晚稻秋深始著花
青嶼廟前潮已退
漁舟乘浪下江叉

首夏

隔樹山鳩作伴隨
新荷亂貼小盆池
楊花墻外渾無力
偏是東風著意吹

雨晴

積雨初晴夏氣融
鳥聲相和喜南風
堦前榴樹纔勻綠
忽見枝頭一朶紅

劉麟

山居

十年山館始圍牆
竹裏開門筍正長
但著小車行得過
不嫌春露濕衣裳

劉玉

新春謾興

杖藜門外問浮槎路隔西南處士家梅子漸肥
梔子瘦黃鸝啼盡雨中花

蓮花澱

平堤一望盡湖光橋北橋南路短長漁父水中
圍曲箔行人冰上引拖牀

送行

日日都門送別離道旁楊柳已無枝西飛白日
東流水不放行人住少時

懷歸

鑑湖之水清且漣中有二頃桑麻田
故人有約不歸去
老却黃花又一年

戴銑

閨情

春眠初起顰殘妝倦倚雕闌謾自傷
那得落花隨水去
為儂傳恨與劉郎

朱諫

瑤川新漲同魏海南泛舟

草煖風和二月天
江南鰕菜不論錢
前溪昨夜添新漲
一葉中流范蠡船

夜坐

金爐火盡不聞香
銀燭無光春夜長
想見落花千萬朵
盡隨風雨下池塘

寄曾良用

幾度南樓坐夕曛
十年消息隔江雲
歸來又向江頭別

只見梅花不見君

唐錦

近山

卜得幽居傍翠屏
澗泉偏愛枕邊聽
曉來嵐氣衝簾入
濕透牀頭相鶴經

唐寅

題芭蕉仕女

獸額朱扉小院深
綠窓含霧靜愔愔
有人獨對芭蕉坐

因為春愁不放心

送陳憲章

僧房酌酒送君行
把臂西風無限情
此際若為銷別恨
兩行紅粉囀春鶯

題畫

青藜拄杖尋詩處
多在平橋綠樹中
紅葉沒鞋人不到
野棠花落一谿風

獨木橋邊倚樹根
古藤陰裏嘯王孫
白雲紅樹知多少

雞犬人家自一村

楊柳陰濃夏日遲
村邊高館漫平池
鄰翁挈盒乘清早
來決輸贏昨日碁

雪滿梁園飛鳥稀
煖煨楮枰閉柴扉
地爐溫却松花酒
剛是溪頭拾蟹歸

紅樹中間飛白雲
黃茅檻底界斜曛
此中大有逍遙處
難說於君畫與君

題雲山烟樹圖

雲山烟樹靄蒼茫
漁唱菱歌互短長
燈火一村雞犬靜
越來溪北近橫塘

贈感慈鄒先生畫

騎驢八月下藍關
借宿南州白塔灣
壁上殘燈千里夢
月中飛葉四更山

呈何先生畫

青雲閣榭泉聲隔
黃葉關河雁影來
別有詩人好懷抱
西風雙鬢一登臺

曉起圖

獨立茅門嬾挂筇
鬚絲涼拂豆花風
曙鴉無數盤旋處
綠樹枝頭一綫紅

野寺

野寺空林落照低
微鐘烟樹使人迷
逢僧只道山門近
不覺穿雲又過溪

雪景

重重樓閣凍雲連
烟樹蒼茫帶瀑泉
一夜空山千丈雪

草玄人在玉壺天

墨菊

故園三徑吐幽叢
一夜玄霜墮碧空
多少天涯未歸客
借人籬落看秋風

王守仁

用實夫韻

詩從雪後吟
偏好酒向山中味
轉佳巖瀑隨風雜
鐘磬水花如雨落
袈裟

張琦

梨園教曲圖

梨花千樹雨初收
上苑春風吹未休
新製樂章音調澀
敕教依舊唱伊州

都穆

次韵邊太常

深居休歎食無魚
詩思春來說有餘
苦愛弄風池畔柳
纖條時拂手中書

張鳳翔

宮詞

社燕花梢翠尾分
玉樓斜度語朝曛
卷簾忽趁東風入
誤落芹泥濕鳳裯

玉搔頭綰綠鴉橫
霧縠冰綃底樣輕
簾閉水晶無點暑
百花亭外度流鶯

周用

秋思

黯黯湘雲斷九疑娟娟山月照
我眉西風楊柳渾搖落
莫向江亭賦別離

魯鐸

春日書院

門向青苔隔路溪小桃開滿
磬池西枕書眠著無人喚
花裏東風百舌啼

桃溪

世路悠悠已倦遊桃溪深處
草堂幽東風自解幽人意

不遣飛花逐水流

分水嶺

一道原泉却兩支
右為湘水左為瀕
誰知萬里分流去
到海還應有會時

王尚綱

送白德明之太原

十載高名專百里
舊遊山水入新詩
雲中樓閣開王屋
春水田疇繞晉祠

范嵩

過太平府有感

滿汀芳草夕陽斜
長恨春時不在家
昨夜月明鄉夢醒
杜鵑啼上杜鵑花

湛若水

送鄭汝高尹黟縣

黟縣縣前江可憐
青山四塞上通天
長官公暇鳴琴坐
不管桃花開縣前

御選明詩卷一百六